

I – UGOVORNE STRANE

1. J.P. „Televizija Kantona Sarajevo“ d.o.o. Sarajevo, ul. Bulevar Meše Selimovića broj 12, 71 000 Sarajevo (u daljem tekstu: Kupac), kojeg zastupa Edina Fazlagić, direktor

Naziv banke: UniCredit bank d.d.
Transakcijski račun: 3386902215316670

ID broj: 4200556770003
PDV broj: 200556770003

i

2. „TURBO – TRADE“ d.o.o. Cazin – Podružnica Sarajevo – Novi Grad, ul. Džemala Bijedića 175 A (u daljem tekstu: Prodavac), koje zastupa Adnan Kovačević, direktor

Naziv banke: Sber Bank d.d.
Transakcijski račun: 140 306 112 000 37 86

ID broj: 4263186290092
PDV broj: 263186290092

zaključuju

KUPOPRODAJNI UGOVOR

II – PREDMET UGOVORA

Član 1.

Ugovorne strane su saglasne da je predmet ovog Ugovora nabavka: polovnog motornog vozila, tip i model CITROEN C4 PICASSO, boja Crvena, godina proizvodnje 2015, u skladu sa tehničkim opisom iz tenderske dokumentacije i ponudom Prodavca, broj: 01-3161/18 od 22.11.2018.godine, koja čini sastavni dio ovog Ugovora.

Ugovor iz stava 1. ovog člana sklapa se na osnovu Odluke o izboru najpovoljnijeg ponuđača, nakon provedenog postupka po Konkurentskom zahtjevu, broj: 01-3296/18 od 07.12.2018. godine.

Kupac i Prodavac su saglasni da Prodavac, u ime i za račun Kupca, isporuči motorno vozilo iz stava 1 ovog člana.

III – CIJENA I NAČIN PLAĆANJA

Član 2.

Ugovorne strane saglasno utvrđuju cijenu robe iz člana 1. ovog Ugovora kako slijedi:

ROBA:	17.999,00 KM
PDV (17%):	3.059,83 KM
UKUPNO:	21.058,83 KM

(slovima: dvadesetjednahiljadapedesetosam i 100/83KM)

Kupac će platiti cijenu utvrđenu u stavu 1. ovog člana na osnovu prethodno izdate fakture od strane Prodavca, na transakcijski račun broj: 140 306 112 000 37 86 otvoren kod Sber Bank d.d., a u roku 15 dana, nakon isporuke motornog vozila, pregleda i provjere funkcionalnosti motornog vozila od strane Kupca.

U cijenu je uključena i isporuka.

IV – OBAVEZE UGOVORNIH STRANA

Član 3.

Prodavac se obavezuje da će Kupcu isporučiti motorno vozilo iz člana 1. ovog Ugovora, u skladu sa specifikacijom i ponudom, broj: 01-3161/18 od 22.11.2018.godine, koja čini sastavni dio ovog Ugovora, najkasnije u roku od sedam (7) od potpisivanja ovog Ugovora. Prodavac se obavezuje da će motorno vozilo isporučiti u sjedište Kupca, ul. Bulevar Meše Selimovića 12.

Član 4.

Kao zvanična potvrda ugovornog organa o ispunjavanju ugovornih obaveza sačinjen će se zapisnik o kvalitativnom i kvantitativnom prijemu, sačinjen i usaglašen između predstavnika Prodavca, dispečera/šefa voznog parka i ekonoma, kao i predstavnika Kupca. Dispečer/šef voznog parka je dužan da osigura da se dostavljen zapisnik blagovremeno pregleda, provjeri, ovjeri i potpiše od strane Prodavca isporučene robe, dispečera/šefa voznog parka i ekonoma Kupca.

Član 5.

Kupac i Prodavac se neće smatrati odgovornim za kašnjenje u ispunjenju obaveza prema ovom ugovoru, ako je zakašnjenje uslijedilo usljed više sile.

Pod višom silom podrazumijevaju se slučajevi koji se mogu pojaviti poslije stupanja na snagu ovog ugovora, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju preuzetih obaveza.

U što skorijem roku, nakon djelovanja više sile, a ne duže od dva (2) dana, Prodavac detaljno obavještava Kupca u pisanoj formi o djelovanju više sile. Kupac ima, i može koristiti, pravo na raskid ovog ugovora o čemu u pisanoj formi obavještava Prodavca u roku ne dužem od tri (3) dana nakon saznanja o djelovanju više sile.

V – PROPUSTI I ŠTETE

Član 6.

Kupac smatra da je Prodavac napravio propust u odnosu na ovaj ugovor, ukoliko Prodavac propusti, iz razloga koji mu se mogu pripisati, ili odbije da:

- ispuni bilo koju obavezu ili sve obaveze prema ovom ugovoru;
- ispuni bilo koju ili sve obaveze utvrđene ovim ugovorom u vremenskom roku predviđenom članom 3. ovog ugovora;

U slučaju da Prodavac napravi ovakav propust Kupac može putem dostave pisane obavijesti raskinuti ovaj ugovor u cijelosti.

U slučaju propusta Kupac može odrediti razuman vremenski rok Prodavcu, prema svom diskrecionom pravu, da otkloni propust i ispuni svoje obaveze.

Ukoliko utvrđeni razumni vremenski rok rezultira kasnijim ispunjenjem obaveza od datuma određenih članom 3. ovog ugovora, Kupac će, prema svom diskrecionom pravu, uvesti penale Prodavcu, koji će se obračunavati u skladu sa članom 7. ovog ugovora.

Ukoliko Prodavac ne otkloni propust ni u utvrđenom razumnom roku, usaglašenom u stavu 3 ovog člana, Prodavac može, dostavom pisane obavijesti, a po isteku utvrđenog razumnog vremenskog roka, odmah raskinuti ovaj ugovor.

Po raskidanju ovog ugovora Kupac će angažirati drugog dobavljača.

Član 7.

U slučaju da Kupac ocijeni da je Prodavac dužan platiti finansijske penale, ti penali se izračunavaju u iznosu od 0,5% ukupne vrijednosti ugovora iz člana 2. za svaki dan prekoračenja vremenskog roka utvrđenog u članu 3. ovog ugovora.

VII – ZAVRŠNE ODREDBE

Član 8.

Za sve što nije regulirano ovim Ugovorom primjenit će se odredbe Zakona o obligacionim odnosima.

Član 9.

Ugovor stupa na snagu danom ovjere i potpisa od obje ugovorne strane.

Član 10.

Ugovorne strane su saglasne sa sve eventualne sporove koji mogu nastati u vezi sa tumačenjem i primjenom ovog Ugovora riješe mirnim putem, u suprotnom nadležan je Sud u Sarajevu.

Član 11.


Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

PRIPREMILA:

Alma Avdić, šef Pravne službe

ZA NARUČIOCA:

DIREKTOR


Edina Fazlagić

Broj:

Datum:

1-3492/18
20.12.2018. god.

ZA IZVRŠIOCA:

DIREKTOR

Adnan Kovačević

Broj:

Datum:

1/18
21.12.2018